



**Many Hands International**  
culture based community development



***Foto Estudantes nain 21 husi Escola Secundario Lere Anan Timur, Escola Secundario Nino Conis Santana no Escola Tecnica Vocasional Lospalos, partisipa pinta retratu iha vidru ba loron 5 iha Centru Cultura Lautem, hamrik hamutuk ho Simao, Artista husi Arte Moris no Cessario Oficial Youth Creative Art iha Many Hands International***  
Photographer ILdefonso Da Silva

## **Relatorio Aktividade Workshop Pinta Retratu iha Vidru 4 May 2018**

## Objetivu programa

Many Hands International kontinua nia komitmentu hodi dezemvolve patisipasaun komunidadu liu husi arte e kultura. Iha fulan Abril loron 16 – 21, 2018 Many Hands fornese aktividade workshop loron 5. Workshop pinta retratu iha vidru ba foin sa'e sira ne'e ho objetivu atu hasae partisipasaun fetu iha kreatividade arte iha loron feriadu escolar. Objetivu seluk mak fo oportunidade ba foin sa'e sira atu explora no hatudu sira nia telentu kreatividade arte pintura. Aktividade ne'e rasik fornese nu'udar parte ida atu promove arte kontemporenu patrimoniu kultura ema Fataluku sira.

## Aktividade

Iha loron dahuluk ba aktividade introdusaun pinta retratu iha vidru. Loron tolu tuir fali estudante sira hala'o pinta ho assistensia husi tutor nain rua ne'e. Aktividade inklui estudante sira hasai sira nia foto uja kamera nebe Many Hands prepara. Estudante sira simu sira nia foto nebe'e print sai iha escritorio Many Hands no entrega ba sira hodi pinta tuir iha vidru no hetan assistensia husi Simao ho Cessario. Sira nia pintura iha vidru tau hela iha galleria arte iha Centru Cultura Lautem no halo exposisaun to'o loron 30 fulan Junu 2018 ne'e.



## Staff

Aktividade ne'e realiza ho kolaborasaun entre Many Hands International nia staff ho Seksaun arte kultura Lautem. Sr Bernardo Caldas, Coordenador seksaun Arte Kultura hato'o katak kolaborasun entre staff Many Hands ho ami nia objetivu mak atu fornese oportunidade ba foin sa'e sira atu explora sira nia riku soin kultural no promove iha pratika moris loro-loron liu husi aktividade oi-oin. Nelinha Pereira, Team Leader Many Hands palestra katak Many Hands kontinua servisu hamutuk ho seksaun kultura



Lautem nomos parseiro sira iha Australia inklui parseiru iha Timor Leste atu fo benefisiu ba komunidadu ho Many Hands nia eksistensia iha Lautem. Many Hands nia staff sira inklui Ildefonso - Photographer, Thomas Lopes – Project Support, no Cesario - Official Youth Creative Art, Hamutuk ho Simao – Artista Kretivu husi Arte Moris iha Dili fo assistensia ba estudante durante aktividade ne'e halao.

## Participantes

Arte pinta retratu iha vidru ne'e hetan partisipasaun husi foinsa'e total ema nain 21 ho feto nain 14 no mane nain 11 husi otas 14 too 19. Joven nain 13 relata katak sira partisipa iha aktividade ne'e mak dala uluk ba sira tuir aktividade iha sentru kultura no ema nain 8 mak dehan katak sira dala barak ona tuir hela aktividade iha sentru kultura liu husi klase arte kreatividade. Informasaun kona ba aktividade ne'e sira hetan husi Sr Cessario Lourdes (tutor pintura iha galleria arte), pamfletu informasaun nebe taka iha fatin publiku iha sidade Lospalos no husi sira nia maluk estudantes.



## Evalusaun ba Program

Objetivu estudantes partisipa iha workshop ne'e hato'o iha questionario nebe fahe ba sira hodi prenze, estudantes relata katak aktividade nee prepara oportunidade ba sira atu "aumenta esperiensa kona ba arte, hetan skill foun no aprende skill foun, hatene lalaok kona ba arte, aprende tapa dezenho, pinta, kahur pinta koor, koir koor. Aktividade nee sai mos nu'udar oportunidade ba estudantes atu haluan sira nia relesaun sosial ho maluk foin sa'e sira seluk nebe sira nungka hetan liu husi aktividade seluk.

## Resultadu Evalusaun

Estudante sira relata mos katak sira gosta workshop ne'e tamba sira bele "servisu hamutuk no fo hanoin ba malu, sira dehan katak iha workshop ne'e sira hetan kunhesementu ba koores, kaer kuas hodi pinta, hetan kolega foun, aprende halo dezenhu/pinta iha vidru, aprende abilidade foun, no servisu hamutuk iha grupu. Estudantes hatudu sira nia sentimentu katak aktividade ne'e halo sira sente kontente, pasiensia hodi hasoru difikulidade no hasa'e kreatividade. Estudante sira seluk dehan katak sira bele halo buat foun nebe ema seluk seidak halo nomos aumenta sira nia kapasidade iha area arte.

### **Exebisaun resutadu aktividade**

Iha programa nee nia rohan iha loron ba dala lima, exebisaun hala'ó iha arte galleria. Many Hands konvida mos inan aman husi estudantes hodi partisipa iha exebisaun ne'e. Simao Cardoso Pereira, artista husi Arte Moris Dili nebe'e Many Hands fasilita nia viagen hela iha Lospalos durante loron 5 hodi fasilita aktividade ne'e hato'ó katak estudante atinji resultadu nebe'e diak durante loron 4 workshop ne'e hala'ó. Iha exebisaun estudante sira ho haksolok hato'ó sira nia komentariu, "Hau bele hatudu rezultadu nebe hau halo durante loron 4, hau nia pintura bele tau iha fatin publiku, pintura ne'e bele tau iha galleria atu inan aman bele hare no bele hatudu ba ema katak hau mos bele, e sente antusiamu tamba ema barak mak bele mai hare ami nia reultadu nebe ami halo, hau hare dezenho oi-oin no mesak furak deit no ami nia pintura tau iha galleria no inan aman bele hare".



Estudante balun hato'ó mos sentimentu triste bainhira sira nia inan aman la konsege partisipa iha exebisaun ne'e: "Hau sente ladun kontente tamba inan aman la mai partisipa iha exebisaun ida ne'e". Iha parte seluk estudante sira nebe'e sira nia inan aman atende konvite iha exebisaun hato'ó sira nia sentimentu haksolok, "Hau sente kontente tebe-tebes tamba hau nia familia bele mai partisipa exebisaun ida ne'e, hau bele hatudu hau nia telentu ba hau nia familia no ida ne'e hanesan motivasaun boot mai hau atu amenta tan hau nia telentu". Aktividade ne'e ensera ho merenda no partisipantes sira dezemvolve sira rede liu husi konversa amizade ho partisipantes no konvidadus iha sentru kultura.

### **Apoi Sira**

Programa ida nee hetan apoiu orsamentu husi Many Hands International nia donor sira iha Australia. Governo Timor Leste fo apoiu ba aktividade ne'e hodi fo salaun nebe'e utiliza ba aktividade pintura no exebisaun iha Centro Cultural Lautem.

**Actividade iha futuru**

Many Hands International kontinua buka parseria ho entidade international no ho NGO nasional sira inklui governo Timor Leste partikularmente departementu Arte Kultura atu kria aktividade oi-oin iha sentru kultural Lautem iha tinan barak mai.

Approved

Many Hands International

4 May 2018

Nelinha Pereira

Team Leader

**Many Hands International** [www.manyhands.org.au](http://www.manyhands.org.au).

Centro Cultura Lautem, Rua Malu Korea, Lospalos Sentral, TIMOR-LESTE

Nelinha Pereira Team Leader, Ph: +670 7799 7661. [admin@manyhands.org.au](mailto:admin@manyhands.org.au)

Timor-Leste NGO Forum Registration Number: 185 / Australia ACN: 134 584 277 ABN: 311 345 84 277